



Chamna Aw

(A Monthly Organ of the Evangelical Synod Church)

Vol. XXXII

No. 08

November, 2017



CKKP Project 2017
Phaizang BS Quarter, Tuilanguol Biel, ESC

2017
Kum
thupi:

KRISTA DINGA PALAI

II Korinth: 5:20

Editor: Rev. Thangkhoiem

Chamna Aw

(Evangelical Monthly)

Regd. No. 64436/96

E-mail, e7s7c7@gmail.com

www.synod church.com

Alak man apat ₹

If undelivered pliz return to:

ESC SECRETARIAT,

Chiangkawpang, Churachandpur,

Manipur - 795158

Published by Rev. Thangkhoiem on behalf of the Evangelical Synod Church
Printed at: THAWNSAAU PRINTING WORKS, CENTRAL LAMKA.

CHAMINA AW PHUNGVUKNA DING	
1. Chief Patron	₹ 5000,00
2. Patron Member	₹ 4000,00
3. Diamond Member	₹ 3000,00
4. Gold Member	₹ 2000,00
5. Silver Member	₹ 1000,00

PIN

Chamna Aw

SUOHPAT KUM 1986

a sunga thu umte

- Editorial01
- Gam leh Nam damlo damna..... 03
- Bible Study..... 05
- Van-gam a dinga mi ngaihsan um 08
- Lam chuom ah a chieh tau'a..... 11
- Nan Pathien tuok dingin kisa zo in..... 14
- Insung a Pa deih um te haw! 16
- Pathien angsung apat in na kisel zo na dem?..... 19
- Thihna lui guom khel a khawpi hawih . 21
- Guh gaw haw laka Pathien thuhing gen in..... 24
- Kristien insung (Family)..... 26
- The 12th Annual Council 2017 28
- Tuilanguol Biel a kum za (100) val..... 30

EDITOR ANA HITE

1. Upa Lalkhagin	1986
2. Rev. Khaigin Gangte	1987-2005
3. Rev. Lamkhawsat	2006-2013

Vol. XXXII No. 08
November, 2017

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkhoiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Paukhomang B.D.

Contributing Editor:
Upa Th. Manggul B.A.
Rev. T. Kampu M.Th.
Rev. Henkholien M.B.S.
Pastor Khaitinthang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihndan ahi vek khel puoi. Article zikte'n a mawh a kipuok chiet ui.

CHAMNA AW PATRON MEMBER LIST

CHIEF PATRONS:	
1. Pu S. Paukholal	Chief of Bunglon 1994
2. Ebenezer Chapel	D. Phailien 2014
3. ESC Shillong	Shillong 2014
4. Mr. S.K. Juiliana	Lamphel 2014
5. Nk Sawmte K. Gangte	Fujairah,UAE 2015
6. Nk Esther Tinglamkim	Gangte Veng 2015
7. Pu Thangzago (K.Vawmcha)	Chiengkawnpang 2015
8. Langol ESC	Langol 2016
9. Mrs Hoisi W/o Laldawng K.Gangte	Jiribam 2016
10. Upa Letkam	Bunglon 2016
11. Pu (L) Kamgo K.Gangte	Phuolsanbung 2016
12. Shillong Local Missionary Board	Shillong 2016
13. Pu Lunkholal Gangte	New Delhi 2017
PATRON MEMBERS:	
1. Pu Henkhojam	Siempat 1994
2. Sep. L. Gangte	5th Assam Regt. 2003
3. Dr. Lalzazdal	Chiengkawnpang 2004
4. Upa Niala	Shillong 2004
5. Pu P. Gangte	Shillong 2004
6. Pu B. Manga	Shillong 2004
7. Pu S.T. Gangte	Shillong 2004
8. Pu Lalkithang	Delhi 2004
9. Rev. Dr. Soson	Dimapur 2007
10. Rev. T. Kampu	Guwahati 2008
11. Pi Phalneithiem	Dehradun 2008
12. Pu B.K. Gangte	Dehradun 2008
13. (L) Hengo	Chief of Chongmun 2010
14. Upa Dr. L.S. Gangte	Chiengkawnpang 2011
15. Pi Niengzalam	Chiengkawnpang 2011
16. Pu Sangvung	Chiengkawnpang 2011
17. Pu S.K. Gangte	Shillong 2011
18. Pu Lovejoy	Kohima 2013
19. Pu Goginthang	Shillong 2013
20. Pu L. Minlun Gangte	Shillong 2013
21. Pi Lalkim	Shillong 2013
22. Hav. H.L. Gangte	Shillong 2013
23. Ms. Grace Lalbiek	Guwahati 2013
24. Pu L. Neihsiel	Shillong 2013
25. Pu Lamtinlien	Shillong 2013
26. Pu S. Thienlaljoy,	SDO H.Q. Veng 2013
27. Pu L. Sawia	Gangte Veng 2013
28. (L) Lt. Col. L. Gangte	Chiengkawnpang 2013
29. (L) Upa K. Manga Gangte	Shillong 2013
30. Rev.Dr. Th. Lamboi Vaiphei	Hill Town 2015
31. Pu K. Pauboi Gangte	Chiengkawnpang 2015
32. Siemlaljoy	Lamphel 2016
DIAMOND MEMBER:	
1. Upa Lamkhodem	Chiengkawnpang 2015
2. Mrs Felli	Chiengkawnpang 2015
3. Moizokim (Chloe)	Lamphel 2015
4. Pu Lama B. Gangte	Langol 2016
GOLD MEMBER:	
1. Pi Niengneihchoi	New Delhi 2014
2. Agape Children Eng. Jr.H/S.	Ithing, Thanga 2016
3. Upa Th. Manggul Bunglon 2016	
SILVER MEMBER:	
1. Pi Sailothangi Thangzom	Old Lambulane, Imphal 2014
2. Antioch High School Abicharan	Tripura 2014
3. Upa Thanglal	Bijang 2015
4. Upa Laltinthang	Gangpimuol 2015

em? Kuomah chuh a thiengtho suokkei a um puoi, gitlohna'n I pieng a, zie chu Lalpa gam I tun tieng Aman ei sawpthieng kei ding ahi. Thil lui I chinte tuni tienga Chanchin Pha'n asukthien zawh loh bangbang I nei nalai em? tih hi, khuosung a Centenary suong I phuh u khun dawtna lientak ei siemsak in ka mui.

Kum za Kristien hitate chu tuni hin bang bang ah, kinepna a neih theih em? Thienthona hinkhuo nei mi? Diktatna hinkhuo nei mi? Sakhuomi? Insung kilungsiet te? Bang hun a le Krista a kinga mi? Vaihawmna ni I tun tieng, A nung I zuihpa Krista pahchak I lawh dem? Zie masang achun, Krista nung kum za val I zuihna ahin, gingu hilote ding hin Krista nungchang I pudawknau em? I nungchang a kipat hin, mite'n Kristien I hihnau hi a mudawk um?

Lalpa I Pathien, I ho u hih, kuo ahih I hetngilh u ahi ta dem? Thuthun Lui hunlai a a mite a puihhuoi dan, alauhun dan, a muonum dan, a diktat dante haw hi I muh in belhtak Pathien ahih zie aphawtchien ahi. Zie cheng chung a chun, A misiemte Setan khut akipat tatdawknau ding in Amah ngei ahung kipie a, zie

chauh ziek mai hinle Lalpa chuh a belhtak a, chun Amah a ding a I hin (phunchieklo hiel in) akul ahi. Tuni a I Pathien ho uh Lei leh van Siemtu Chung Pathien, a tung a Thu a ana um Taksa a hung pieng, lei a a lenlai a thilmak tamtak ana hih Pa, lamdang ngeilo kha ahi zing a, tuni hinle amuon um a, a belhtak a, Amah a dinga ginum in dettak in pang zing hitiu.

Tumasang a I na ho uh, pathien a I na neih uh thingbul, suongbul, thitha/dawi, etc. haw kha tawh tua kum za val I na zuih uh Pathien a mi thumte, Pa Chapa leh Thagau Thiengtho hi, Pathien dang tawh akibat lohna, I chung a A ginumnate, A hawihnate hi simzing in lungkie puoi tiu. Amah hi athak in I insung u ah chiel hitiu, Amah I muon a, Amah I set a ahih chun Kana khuo a a thilmak hih kha ei chungale tung zing thei ahi. Taksa lam leh thagau lam malsawmna Amah ah aum a, I taksapnate I haksatnate ah Amah a settheih a, chun a muon um ahi. Lalpa I chiel nak a, Amah ei lama a pannak chun zawhlah neilo ding I hihdan I Bible inle ei hihchien ngal a.

I Pathien ho u hih athak in patep kit mawng hitiu...



KRISTA DING A PALAI



“Khutichun, Mipite chuh amuh in, chingpa neilo, belamte guola gimthei leh dalha a um ziekun a lungsiet ta mah mah a, Tichun a sinsakte kawm a chun, “Buh at ding a tamten ngalin, himahlele a semding mi atawm ui. Khutichun, a buh at ding a sem ding haw chu sawl dingin buh neipa kawm a chun ngen un” Matt 9:36-38.

Thil bangkim chu Lalpa Isu'n amuh banga I muh theih uh a pawimawh hi. Gingtute cheng chu Lalpa Isu Krista a dinga Palai hi dingin a sinsakte a sawl bangin ei sawl a hi. Zie khawvel a chanchinpha phuonzak hi a pawimawh mah mah hi. Lal Isu'n pawimawh a sak banga pawimawhsakna neih a ngai hi. Khutilochun, Krista dinga palai ginum hi theilo ding I hui hi.

Lalpa Isu'n mipi mangthaite chu tihin amu ahi (Matt. 9:36). Mipite chu a muh in Chingpa neilo leh dalh in a mu a, mangthai ahihnau chientakin a muchien hi. Lal Isu muh banga Thagau mangthaite muh ahih chun, kuo a kuonlo ding? Tulai Gingtute hih Kristien hawhtak leh piting guola kikawih, mangthaite mutheilo, leh ngaikhawklo I tam mah mah tau. Lalpa Isu'n mangthai amuh banga muhtheihna chu I pawimawh mah mah tau hi. Mangthaite dinmun mu chien a Krista ei sawlna lampi zuih ahun tai.

Thagau mangthaite chu Buh at ding tamtak um guol in Lal Isun a gen hi. Buh at hun sung hi hunsawt taluo ahi puo a, amin akipat chu hung kuoitha pai leh, lakmanloh a, tuol a kie pai sek ahi. Zie guol chun Thagau mangthaite chu, Krista kawma puilut manloa mangthai paiding tamtak um ahih dan muh theih ahi. Zieziekchun, Krista palai a pana, Thagau mangthai lakkhawm chu a pawimawh pen ahia, zie nasem dinga chu palai I hi chiet ui.

Lal Isu lunggel leh ngaihtuoh banga lunggel a ngaihtuoh theih a pawimawh kit hi. Krista lungthim bang pua, chieh zel ding leh Amah a ding a Palai ginum hi dingin Lalpa'n ei deih zing ahi.

Lalpa Isu Krista sep bang a I sep uh apawimawh hi. Lalpa Isu chun mipite a dingin asem a, akimanga, a hinna tieng a pie ahi. Lalpa Isu chun, mipite a dingin taksa pawimawh leh Thagau lam pawimawh haw a sepsak hi. “Kikhawpna In haw a chu sinsakin, Gam Chanchinpha thu chu gen in, natna tincheng leh damlo tin cheng chuh ahidam a” (Matt 9:35).

Krista a dinga Palai hi ding chun, mipite Gamchanchinpha hilha hukdamna a channa ding uleh taksa lama a taksapnau bang kima panpihtu hi ding Isu keng nung chu I zuih uh a pawimawh ahih dan chientakin akimui.

Lapa Isu ngeiin angaihpawimawh chuh, Nasep ding atama asem ding mi a tawma, zieziekchun, Bu at dinga semtu sawl beh ding a Lo neipa kawma ngen ding in ei deih ahi. Lal nasemte a tawm a, sep ding a atam ahi. Semtu apun beh theihna dingin Pathien kawm a I nget uh a pawimawh ahi.

Krista Palai hi dingin bang pen ah na pang dem? Lam khat beka pang dingin Lalpa chun a chate a deiha , a kineppih ahi. Nang na kuon thei hi. Nang na kuon theihloh chun, a kuon dingte sawl beh dingin Na paucham thei hi. Zie mai chu hilo in, semtu ding sawl in na pang thei hi.

Jonah chuh, Nenevi khuo a dingin sawlin aum a, mahleh a nuom puoi. Zieziekchun haksatna tampi atuok hi. Mosi chu, Lalpa'n a sawl a, kei hilo in Aron sawl in a tii. Isai chuh Lalpa'n a sam a, Kei ei sawlin ati thei ahi. Bang dinmun ah I um ding um, Lalpa kei ei sawlin, buh at dingin kuon ingka, Nang a dinga Palai dingin kuon ingka, I ti thei dingum? Lalpa na dawnna chu bang ahi die?

Krista a dinga Palai ginum hi thei chiet dingin simtute Lalpa'n ei vangsak chiet ta hen.

lawiupate chung a le kipah thu ka gen ahi. Chun sapchuomte'n nei na pauchampihna zal un, Biel a sapchuomte le Pathien lungsietna dawng in, Lalpa lopina'n September thasung khan Pathien thu ah ka va kipawl khawm ua, nuom ka sa mahmah mai ui.

Tha masa a Saichang Biel fan kha lunghel aum a, ngaih le aum ten mai hi. Tuchung Tuilanguol Biel fan hi taksa a ding in damtheihna himaithei ahi, puonak chuol mawng tieng in khawsa-ul achek hiel mai sek a. Haksaktna zat chuomchuomte laka, Lalpa lungsietna vang in alang alang ah Lalpa malsawmna I na dawng chiet u a, thil kipah um tak ahi. Thaigah chuleh buh leh bal te I muh in I chung a Lalpa phatna tuni tieng inle I insung ah a muhtheih hi. Tumasang a ei Puitu, tuhun a ei Puitu chuleh hun hungtung zel ding a ei Puitu hi, bang hun a le belhtak ahih dan hi I hetzing uh apawimawh dan ei muhdawk sak sawn sawn ahi.

Tuchung biel fanna a ka lung khawih mahmah khat chuh, I Gospel Centenary suongphuh un ka lunggil a phawng diek hi. Tuni hin Khrista nung I zuihnau kumkhuo hi kum za I na lawm tau a, thil ki-at um tak le ahi. Chung mangpa tia I

na ho lai a, Pathien kuo ahih I na hetloh hun lai pekpek a I hinkhuo mat hawu kha, “Chanchinpha ziek a kithenna” hin sulamdang zolo ahi dem? tih hi gelkham tak ahi. Chun, tua I ho leh I biek, lei leh van Siemtu Chung Pathien hi kinepna tak lo ahita mai dem? Lem I tih hun chauh a I Pathien hih ho ding ahi dem? Malsawmna I chan tieng, ahihloh leh I pawimawh tieng chauh leh belh ding ahi dem? Ahihloh leh, I pauchamna teu ei dawn loh ziek in ahim, I belhloh mai ding? A Pathien hihna hi ei te hin, I tihdan dana hi I thunun zawk ding uh ahi dem? (Thilsiemte'n Siemtu lehtunun ding chuh thil hitheilo ahi) I chung a thiltungte hin, Pathien a I ginnau, patepna I tuokte lak, chuleh hun haksa hun ale I Pathien lamdang ngeilo hi I suklamdang loh ding ahi.

Tu kum za masang a I hinkhuo mat te hawu (nik le puon bei, zu huon, thingbul-suongbul ho – lei leh van Siemtu Chung Pathien ana kihelo, lei a thiempu chuomchuom kinei, etc.) kha Krista nung I zuihna kumkhuo hin ei theng zolo/paihthak theihloh I neih ahi ta dem? Ei thenzawh loh le thu khat hileh, thim apat vak malak in, malai hinkhuo thim a um kha nuomsa den I hui

deihsakna leh puoknatna lientak nei in chona ahun nei ta a; Suohpihte! tuni hin na Insung, na Namsung leh na Gamsunga Krista chanchinpha PALAI hidingin Lal ISU’N nang ahunsama, suohpih deihtak! zietawbanga LAL ISU PALAI hiding chun nakisazo tam? LAL ISU a dingin na kipie nuom em? Lalpa! ka Insung, ka Namsung leh ka Gamsunga nangmah PALAI hidingin kei ei mangin tia kipiehanuom I lak uh ahin I um um? tia chona a pieklai in, mipi lak apat chun khut ahung kitungdawk sausau taa, tichun ahung dingdawk taua amau a dinga Vang ngetsakna nei in, ahun chu a sutawp tai. Tichun khawmpi chuh malam kinepna lientak mai nei pumin, Date 1st October 2017 zan dak 10 in mipite khut kitutuoh chiet in, Field Superintndent, Rev. L.T. Gangte’n Khawmpi khakna nei in, thaklah umtakin hun suktawpna neih ahi tai.

Simtute cheng cheng Lalpa’n hun suhat thak chiet tau hen. Amen.

Lalpa huon thiengtho a na seppih uh

Rev. L.T. Gangte
Field Superintendent



**TUILANGKUOL BIEL A KUM ZA (100) VAL
KRISTIEN I HIHNAU DAWTNA**

Evan. Soilal Gangte

[Note: Report kipie hih Saichang Biel (tha masa) chuleh Tuilangkuol Biel (tutha) te chauh a ding a kizik ahi puo a, ei Kristien chate dinga, Pathien hopih na a kipat a hung kizik ahi. Achawmlam in, akuo mawng genna ahi khelkhel puo a, lunggil a paucham kawm in simtum chiet hitiu.]

Pathien lungsietna leh puihhuoina vang in, tu’n Tuilangkuol Biel chu I Biel ua Biel Superintendent, Pr. Th. Mawia tawh Biel Pastor Pr. Mangneihlal mapuihna’n Khuo tin ka hun fang zo kit tau hi, lopina chuh Lalpa I Pathien chang henla. Tunna leh giehna ei na sukfelsaktu sapchuomte leh



**GAM LEH NAM DAMLO DAMNA
DING LEH DINDAWK KITNA
DINGA LAMPI UMSUN- VAN
PATHIEN LUNG-AWIHNA**

- Rev. K. Siemlien

I gam leh Nam hih Pathien vangsak chang I na hui a!!! A mite hile Pathien hehpihte I hui, mahleh... akcha mang ding kichutuoh tih guola kichutuoh a, mangthai ding I hi tau ie!!

Israelte hih Pathien namtel, thiengtho ding, a kawma um zing ding leh Amah chauh a dinga hing a, A thupiek zui a, A na sem dinga a guot leh telte ahiu hi. Pathien thupiek zawplo a, a kiheimangsan ziekun, a khawpiu Jerusalem chuh Nebukadnezar manga, suksiet in a um a, melmate khut ah suok leh sala puih in aum ui. Babulon te nuoi ah suok leh sal in a tang ua, mahleh a gimthei mah mah tau a. Kum 70 zawh in, Pathien in Zerubbabel a mang a, mi 50000 puihkit ahiu. Tichun amau haw namat in, Jerusalem siesa nung chuh tundin kit ahung hi tai. Zie nung kum 80 zawh in, saltang vaikit nailote cheng chuh, Ezra

malatna a, mipi 2000 a Inkuonteu tawh puihkit ahiu hi.

Israelte hih suok leh sala hun sawtpi ana um ahih nung ua, Pathien hehpihna zieka puihkit ahiu hi. Suohchaksak ahih nungun, Pathien deihloh thilte ahun hihpan kit zel ua, gamdang, namdang pathien hote, zi’n ahun nei ua, amau deihdan leh aphasak dan dan un ahung khawsa kit tau hi. Milim pathien, siemkawm pathien ahun ho kit tau a, Lalpa Pathien a nungngat ua, a deihloh lampi ahun hawhpan kit tau hi.

Juda, saltang vaikit te’n Pathien deihloh thil khawktak ahih kit ui tih Ezra’n a het phet in, a puo-na mah mah a, a silhlechen a bawthek a, a luchanga sam leh a khabemul a bawthta a, lungkham in, a chutha ahi. Ezra 9:3. “Chun, nitak lam kithawih hun chun ka lungkhamna apat chun ka puon-ak leh ka puonsilh sie chuh silh

kawm in, ka kipandawk a, chun, khupdin a Lalpa Pathien lam nga'n ka ban ka zak a. Aw ka Pathien, nanglam hung ngat hi ka zakcha a, ka mai hi asan hut hut hi. Aw Pathien, ka mantheihlohnateu chuh ka lu chung uh chup hiel in, a pung a, ka gitlohnateu chule van suhiel in asang hi. Ka pi leh puteu hun apata tuni tieng hin ka gitlohnau chuh anasa mah mah hi. Ka gitloh ziekun, ka lengteu leh ka thiemputeu pum in, gamdang mite khuta piek ka hui a, chemzama satlup leh sala puih leh gallak a lak leh zahhuoina ka tuok tau hi, tunia ka um bang uhin" -Ezra 9:5-7.

Gam leh nam damlo, siezo, mangthai ding dam kitna dinga Ezra panlak dan hih Sapchuom leh nam puitute'n le ettawn dingin atak hi. A lung akham bek ziekin, hihdanpha zaw dang a he ta puoh a, zakcha leh maisan puppup in a silh leh chen bawtthek in, a sam leh a khabemul bawtttha hiela kisik in, Pathien masang ah thupha a chawi ahi. "Ezra chuh Pathien In lam zuon in bawkkhup a, kap kawm in a paucham a, tia chuh thupha chawi a a paucham lai chun Israel chate chuh amei-apa, asi asen in akawm a chun ahung kikhawm ua, tichun, mipite chuh ngeihtak in a kap tau a." -Ezra 10:1.

"Ziephetchun, mipite'n le gamdang mi zi a neihteu leh a chateu chuh khen a, Lalpa Pathien a dinga kisuthieng dingin pan a lau a, zie lai chun, Ezra chuh Eliashib chapa Jehohanan pindan a zuon a, tichun, zie chun zankhuo'n saltang vaikitte thilhihkhiehl zieka lungkham in, bangmah a ne'n, a dawn puoi." Zie a mipi kikhawm cheng chengte chun Ezra ngetna a dawng ua, tihin a gen ui. "Na tih guol chun hih ungkau" ti'n ngeihtak in a kiko uh ahi.

Pathien lau a, a deih bang ngaikhawk Ezra hin, mundang, thildang a kingak a guo puoh a, a sukkhielhnau van Pathien kawm ah, thupha chawi in, kisik in a paucham a, tichun, mipite le ngeihtak in, a kap ua, a kisik ua, thupha a chawi ui. Amah leh a mite thiemthu a gen puo a, suonlam ding a hawl puoi. Van Pathien lungawihna, a ngaihdamna a hawl a. Amah ngei in pan a la a, a thu mai hilo in, lungthim leh tihtakzet a kisik in, Pathien mai ah ngaihdam a ngen ui!

"Hung tiem u, Lalpa lam ah vaikit hitiu: ama'n ei bawttel ta mahleh ei sudam kit ding ahi ngâla. Ei na suliem ta mah leh ei tuom

Pathien chuh lopina pien, Khawmpi sawmlenih veina chuh sapchuom mipite ma achun hawndawkna a nei hi. Zie khawmpi a hung mipite hi station chuomchuom ina hawndawknau a pata hungkhawm, gingtu Lalpa kengbula I puihlutteu haw kha ahiu hi.

Khawmpi ahin mi 350 sang a tawmzawlo gingtu ahungkhawm ui, Khawmpi ani khatni hin taksa kisuklawpna dingin Volleyball kichepkhawmna haw le neih ahi a, ani nih ni hin thagaulam kitaihsiekna, Bible chang a ki elna, Lapawl a ki elna, Bible quiz, leh Gospel music dance ki-elna haw aki nei a, kikhawpna chengah Nungak Sangthiem apat la ngaihthaak ahia, mipi a sukupakin, bil asutai mahmah hi. Zie khawmpi hi Lalpa'n a umpih a, lasathiem le akitasampuoi, Nungak Kim Grace leh Nungak Venny apat Kokborok la hawih taktak ngaihthak ahia, abiktak in a gam mite a sukupak un, kingaihnatna asupungin, Khawmpi hi ahisel mahmah hi. Agartala a Eimi umte haw KWS te haw'n le I khawmpi hi hung uop in pahchakna la haw leh lamchuom chuoma kithuohpihna ahung nei ua kideihsakna, kilungsietna nasataka sukpun in aum hi. Zie tawbanga Pathien thu leh la a sapchuomte kipawl khawmna hin ngaihtuohna asukupaka, kumkit khawmpi ding hi ngaklah um ahungsuok tai.

Khawmpi hi Pathien thagau mapuihna zal in anuom in mabana sepezel dingdan leh chieh zel ding dan haw le muhtheih in ahung kilang zung zung hi, adiek takmai in mother church (Manipur) leh gam chuom chuoma um, nulepa ulenau haw na pauchamnau mitthi Lalpa'n a malsawmna haw hi na mit ngei'un hung muthei leuchin chuh hun suhat thak mahmah dingin ginchak aum hi.

Thupi hi I het taaksau mah bangin "KRISTA PALAI" tih hi ahia, zie thu hi gingthak, sapchuom mipi munchuom chuom apata hung khawmte kawma ngaikhawk tak leh kichientaka genlang ding leh piesawn dingin Rev. Thangkhoiem Gangte, tu tua Executive Director, ESC hi chiel ahia, aman le Pathien sapna guola ngai'in, ei na pawmsak ta a, ahun puok chanchinpha chuh ahun khehdawk pan ta a, mission field ana bulphuttu tihna nana chuh Pathien thagau inle aumpih a, mission field vahzin leh a gam mite hindan nungchang ahechil mah mah maia a thugen hin mipite ngaihtuohna lunggil asukha thei mahmah hi, ni nih (2) sungin thugenna livei a neia, a thugen cheng leh suohpih nulepa khatbek "KRISTA PALAI" dinga chodawk ding tih hi a lunggel leh a thiltup thupipen ahizing zienga,

kum sawt mun vangam/gotmun khawi zawk ah ana um ding um tih het ahi puoi; Laphuoktu khatin, lungdeih cheng cheng kimna gamah kim kitni a um dei mawh? Ze zawhna la mahbangin, Paul inle I um nau lei in hi kiphie mah leh, vanah in khuta sak loh kum sawta in ding Pathien kawmapat indet chu I nei ui tih I hengal ua, 2 Kor 5:1 ati a.

Zetakachun kimtaka I chenkawm theihna dingun, I inkuon chiet uh,

I inkuonuh I ki siem tup theihna dingun, Bible mahah, mihausapa khale gawtmun a pata a insung a vak gal thila, a inkuonte kienga chanchinpha va phuong dingin, lei a thugente kuo ahim khatbek tih a lunggulh kha, aki khel nungpi himahleh a ngaihtuoh kha a hun lai taka ngaihtuoh ding chi tak chu ahi. Eihaw a dingin aki khel nai puoi. I Kristien Insung uhi enchien thak kit hitiu, Pathien in simtute a dingin vang eisak chiet ta hen. Amen.

**THE 12TH ANNUAL CONFERENCE 2017
Evangelical Synod Church (ECCI)
Tripura West**

KHAWMPI REPORT 2017

- Date : 16th October, 2017
- Amun : Bethel Church, Abhicharan Khuo
- Tunkim : 29th September, 2017
- Ahunsung : 30th Sept. – 1st Oct. 2017
- Kikhen ni : 2nd October, 2017
- Thugen : Rev. Thangkhoiem Gangte, Executive Director (ESC).
- Thupi : “KRISTA PALAI” II Korinth 5:20.

Amasapen in, 2017 Tripura ESC mission field Khawmpi sawmlenih veina report hunbawl thei dinga hunpha leh damna eipietu Lalpa van Pathien kawmah kipahtu gen in, sapchuom mipite haw, alien aneu nabawnchau’un khawmpi min in chibai ka hun buk vek hi.

Tukum khawmpi hi ngaihtuohna leh kinepna khel lam ah, kumdang sang inle Pathien thagau Puihhuoina a kichang nasa mahmah hi, Date.29.9.2017 nitak dakgup in, Rev. L.T. Gangte Field Superintendent in Lalpa van

kit ding ahi ngâl a. Ni nih nung leh ei suhing intin; ni thum ni’n ei kaitho intin, tichun, a masang ah um tai tiu. Lalpa hetna chuh delh zel hitiu, hêi tingun, Lalpa chuh het

guo tai tiu. Zingkal a khuo hung vak zel tawbang leh, guoh tui in lei a chapchêk bang hin matheilo in I kawm u ah hung in a.” (Hosea 6:1-3)



BIBLE STUDY

Rev. T. Kamgin Gangte

Changtel: Zieziek tak hin pasal in a nu leh a pa nusieh in a zi pawm intin; tichun, a nih u chun sakhat hung hi ta’n au, a tii tih na sim puou hi? (Mtt. 19: 5)

Thumapui: - Zie bible chang hih I buoipih pen uh khat hiding in ginchak a um a, theih dandan in genchet guoi ting un, adiek a, “Pasal in a nu leh a apa nusieh in a zi pawm intin,” tih hi vak sut hitiu.

I. Amasa’n hetding khat chuh bible a thu kigen khat I buoipih ding tak leh, kuo’n, bang zieka a gen a? ti’n he masa thei leng a zie a um deuh teitei hi. I bible chang tel u hi Isu kamsuok ahi. “Zieziek tak hin,” ti a apat hih bang thu thu ahima Pharisai te’n a dawtbuoi guot uh haw ziek a khah Pharisaita kawm ah, “nei dawtnau haw ziek tak chun,” tihna a a neih ahi. Pharisai te’n a hetloh ziek uh a a dawt uh ahi puo a, bangtileh Isu a mah leh a mah a kigen awk in ka man thei

ding um, ti ahiu ui. Pharisaita hih he a kisa mahmah uh a, a mau sanga he zaw um a hi tih ngaihtuoh se lo a, Pathien thu (Dannihna 24: 1 – 4) manga a dawt uh ahi. Zie phet chun Isu Pathien chapa a zilna le sangzaw, a het le tam zaw nana na chun baihlam tak in Pathien thu mah (Thilsiembul 2: 24) mang in a dawng tha chet zieng hi. Zie a Isu dawwna (Mtt. 19: 5), Thilsiembul a a lak sawn hih Pathien in Mosi mang a Kichenna permanent ahiah a genna a hi.

II. Zie a kichenna permanent pen hih migilo te ziek in Pathien in Mosi mangin a thah kawl sak deuh hi'na. "Isu'n a kawm u ah, Mosi'n na lung khauh ziekuh ahi, na zi teu mak ding a hun tih sak;" (v. 8). Zieziek chun Pharisai te'n zie Pathien thu mang chun Isu chuh dawtna a siem khum ui. Kichenna permanent a hihna pen khah Isu'n review a bawl kit a Pharisaite dawnna a a mat a hi. Ziekchun, "a nu leh a pa nusieh in a zi pawm intin," tih hi kichen permanent ahih genna khat ahi. I bible chang tel un a gen hih, kichenna thu ahi a, zie thumal, "Kichenna," hih I chang tel nau ah telkha khel kilele a lo theilo ahih ziek in vak en chien hitiu:

III. Juda te or Hebrai te pau in Kichenna chuh (Qiddushin) a hi. Zie um zie chuh Sappau in, "Sanctification or Consecration," tih a hi a, zie a Sappau a pata hih I vak et kit leh Pathien a dinga kisu thiengtho leh lat thiengtho tihna ahi. Khuti chu ahih ziek in "Kichenna" I tihhuh uhuh thienthona lam kawka a hi, tih a chien hi. Ei Gangte pau a, "Kichenna Thiengtho," tih khel khel lo a le "Kichenna," I tih cheng leh thienthona hih a telsa

ah, tih I hetdiu ahi. Pathien in kichenna permanent ding a a siem ahih chun thienthona chu le permanent ahih ding ahi. A nu leh a pa nusieh intin, tih in a gen nawp pen chuh Qiddushin in a kawka sukpitit ding hih ahi.

IV. Qiddushin umzie I genzo tau a zie chuh, thiengtho (holy) tih ahi a, thiengtho um zie chuh, "A life sanctify by prayer," Paucham na'n hinna a suk thientho. Zie taw bang thienthona chuh nupa'n ka'l a le pawimawh ahi. Zie a hinna thiengtho chuh Pathien a ding ahih ziek a suk thientho ahi. Zie taw bang chet a thiengtho ding a chuh Pasal le a zi chung a a um ding, a zi le a pasal chung a a um ding. Thiengtho, I tih phat phat leh "kawih chuom," tihna le hingal a hi. Zie tawbanga chuh a zi a dinga a ki kawih chuom ngai ahih ziek a chuh Isu'n, "Pasal in a nu leh a pa nusieh intin," tih hi ana gen a hi. Thil khat a dinga ki kawih chuom ding chun thil dang cheng khah kawih mang a him nutsieh a him ngai teitei ahi. Zie a "nusieh" tih hih a hibang bang a lehdawk (Literal translation) ding hilo a hi. Literal translation a leh loh ding hinapi'n, literal translation dan a I chieh guot takleh a buoi um sek

hin a melma le melma guol a mulo/helo ahi. Zie ziek chun melma chun a deih dan dan in a sawisa sek ahi. Zie guol chun eihawn le melma aw hi, I he khen thei puou hi.

(2) ANIMAL PLANET: T.V. ente chun, I muh uh ginchat aum hi, Sakei in ganhing haw a delh ua, a tungin a hawn pin a tai ua, a tawp leh a chuom in a hung tai khen sek ua, A delh pan le hailo in a delh zela a tawpin amah chauh a tai chu baihlam takin a man tai, zie guol chun, tulai khangthak te haw hile, setan in nicheng hun chengin, khangthakte haw hi a delh manga a puimang sek hi.

(3)A tangpi'n tulai in mobile ahin thilpha tampi aum a, thilpha sangin thil phaloin khanglaite hi, a pui mang zo in alang tai. A ziek chu, internet leh facebook, thil dang dang mangte vang chu zan leh iplo a mobile sik/en,hoin ale mi thu gen ngaih sanga mobile mah vasik/va en,mobile a buoi,thil dangdang buoi,kristien insung buoi zota. I um danuh hi Melmapa deihdan lungawihna ahi zo tai.

KRISTIEN INKUON PHA PAWIMAWHNA:

Khuolzina I chieh tieng uleh I inkuon ki naihpah deuh te kawmah I tung nuom deuh uh hilo maw? Chuleh, pastor/Evangelist sapchuom hotu/

lawi upate hawle a zin tieng uleh hotu te in ah a tung nuom deuh sek ui, zie guol mah chun, insung chu van mite hindan/umdan a kisinsakna insunga chun Pathien vansawlchakte a tung nuom deuh sek ui, zeziekchun Pathien in inkuon hi ana siem ahi, chun Bible inle min a hetloh hielin vansawlchak tunsak ana hikha thei sek hi, Heb 13:2 tawh Gen 18:2 a tii.

PATHIEN IN MIHINGTE KANTHA ZING:

Thuthun lui (OT) hun lai inle Pathien in mipha leh phalote a kantha/suizui zela, David ziekin Pathien a lung kim mah mah mai in alang hi, mahleh Akan migilopa ziek in a Nam, a phung, a inkuon, Pathien in a hun suizui a, a tawpin, Akan leh a insung mite kha thah chimit in a um vek ui, Jos 7:25. Bible mahin mi khat apat in lei chung cheng chenga um dingin, namtin a mi asiem a, adingun hunbite aguota, a umnau gile a zam saka, khutia chu amah a hawl ua, amai ua amuh tei tei na ding un, himahleh Pathien in eihaw ei gamlat puoh ngala, amah vangin I hing un I lawiun I um uh a hi ngala Nas 17:26.

THUTAWPNA:

Zie thuzik (article)hin a tuppen chu ahih leh,khawvel a a na chieh sate(thite) haw cheng cheng kha

KRISTIEN INSUNG (FAMILY)

- Rev. (Retd) Chungkhawsat
Shillong

Thumapui, khawvel a pawl (society) ding masapen chu INKUON (family) ahi. Pathien in mimal a siem hi athil tup ana hi khel puoi; Mahleh mimal malte chuh INKUON a um dingin ana siem ahi zawi, chuleh Bible in le hiti hin agen hi, Pathien in mimalte chu chenna ding IN A SIEMSAK HI ti'n a zik hi (Sam 68:6), Pathien in mimalte chu inkuonpawlam a um dingin eina siem puoa, INKUON a um dingin ei na siem a hi zawi; Joshua in le hiti hin a zik hi, kei leh ka in kuon ten Lalpa na ahi ka sepdinguh, Jos 24:15. Pathien in ei uh migilote haw hi, eina lungsiet ziek in khawvel hukdampa ISU khale INKUON (family) ah a hun piensaka. Bangkim hung kipatna chu inkuon a hung hitai. Pathien min chu pahchakin um ta hen.

KRISTIEN INSUNG HUNG KIPAT DAN:-

Inkuon hung kipatna masapen chu Eden huon ahi, Pathien in Evi leh Adam chu asiem lai in mawhpuokna, thuneihna, hihding hih lohding thupiek tampi ana piei, tuhin ei haw le kristien I hi vek tau a Inkuon siem ding a nupa'n te chu

amasa penin hat in hat kileu hingle Pastor ten Pathien dan thiengtho in hoin ah ei gawm ua, hihding hihloh ding ei hilh sek ui, zie chu Pathien deih dan mawn'g le ahia, zie chu kristien insung kipatna a hung hi tai. Hoin ah Pathien minin Pastor ten ei gawm ua vangsakna ei nget sak bangin cha leh nau a vangsakna I hung chang ua, chitamtak suonga hungpung ding tia Bible in agen bangin Gen 1:28. Mahleh Noa suonte chu, Pathien deih dansangin amau deih dan chauha a hung um tak ziekun, Pathien a hun su lung awi tapuou a, Pathien in amau a siem chu kisik nan a nei zaw tai, Gen 6:7, ei haw le I hung pung deuh deuh ua, Pathien sukkipak sangin Pathien lungnat na I hung hi zaw tau hi. I Bible in thagau a panta ngalin taksa zoding na hui maw Gal. 3:3. I Kristien insunguh hi ki enchien thak kit hitiu.

MIHINGTE SUOLNA:

(1) Gamkhat ahin, belum chingtu khat aum a, a Belum chin haw chu, nichengin SAKEI in sawm val hiel a that seka, a vengpa'n /a chingpa'n a lawh ngaih na a hepuoi, Belum

a a hi. Lehkha kizik mawng mawng, Bible hi'n thildang hitaleh literal a translate ding a um a, theological point of view a translate ding a um a, zielo chun le contextual translation le um thei nalai ahi. Zie tieng hin a chien thei nailo deuh a bang a, zahmawh huoi thim bang lele a kichet zawkna ding in vak sutbeh deuh leu hing.

V. Kuo mah dang a piek dinga Pathien in a phal sakloh chuh a zi apiek ding tihna ahi. "Kuo mah dang," tih hin a nu leh a pa le a huom tel hi. Zie thilpiek chuh a nu leh a pa le a piekloh ding. "A nu a Pa nusieh intin," tih a kigen pen hih Nu leh Pa te, chapa te'n Indan san ding genna hilo hiel ahi. Gangte te a ding a chuh Naupa te'n vang a nu leh a pa a (nutsieh/ Indan san) u chuh I custom uh ahi. Zie chuh, "Indang," kiti sek pen khuh a hi. Gen zawh chiichei in Qiddushin in a gentel kit khat chuh nupa'n ka'l ah (midang/ thildang) bangmah kizeptel a umloh ding ahi. "Tichun a nih u chun sakhat hung hi ta'n au." Sakhat chuh thil dang kizep tel umlo a, a kithutuok teitei ding uh genna ahi. Ki thutuok umzie chuh thil khat chauh bawl dinga kithutuok tihna hilo in, thilcheng (Inkuon khat a phalam a a

khantoh theihna ding thil haw,) kithu tuok taka bawl ding genna ahi. Thilcheng ti zieng lengle aphalo lam chuvang tel sak puoi tiu.

Thukhakna: - Kichen, kiti hih mi nih kitup taka pum khat or sakhat a um tihna ahi. Zie a pumkhat a um, mi nih te chun lung kiguol tak in thil chuom chuom a bawl thei ui. Sakhat hung hi ta'n au, zie a sakhat a kitih lawh pen hi le lung kiguol taka thil chuom chuom a bawl khawm ding uh genna ahi kit hi. Isu thugen ah Pharisaite leh Dan thu zikte a buoi sek namah uh a, a thugen khenkhat haw hih a chik thei bek a a hi. Tu a kichenna thu a gen hile taksa lam thila a gen ahihna tieng a um tho na a, a thuk zaw thagau lam thil le a gen tel hi. Nupa'n kal a thil dang a umloh him him ding ahih guol mah hin, Krista leh gingtu te kikal a le ei chawkbui thei thil dang him him a umloh ding ahi. Nupa'n kal a thil khat um, a um thet a Nupa'n kal abuai zieng sek guol hin, Krista tawh I kala thil dang a umlo ding a um takleh I kal a buoi teitei sek hi. Ziek chun ei haw gingtu te le, Krista tawh I kikal ah ei chawkbui thei bang a um em? ti a I kivel chiet zel zel pawimawh mahmah dingin a lang hi.



VAN-GAMA DINGA MI NGAIHSAN UM

- Evan. Paukhomang Gangte
Secretary, CKKP.

“Pathien khawksaklohna leh khawvel thil utchakna chuh haihsan in, tulai khang ahin pilkieu leh diktat leh Pathien khawksa a I um ding uh ahi” (Tita 2:13)

Khuo khal laitak in tuilet tienga kihinsuohna dinga Noah in kuong a tuk a, khuo khal laitaka guoh ngena Elizah a paucham bang in, tuhi pathien khawksak loh hun chuh ahung tung ta a, himahleh Pathien khawksa taka hing dinga chiela um I hui hi. Anuoi a mi piengthakte hin bang a gen uh em? Amuh ding uh kipahman chuh a thil zing uh ahi.

1. ***“Midangte vangsakna tuntu dinga matchak khat mai mai ka hi”***

Zie thu hih Philipine Boxer leh Politician Manny Pacquiao, kum 37 mi Asian Boxer leh khawvel a boxing a sum lawh tam pen nihna thugen ahi. Amah hi mi piengthak, mi diktat, Pathien lau mi ahi. Politics a alutna biel Sarangani province ah amah sum lieu lieu in chagahte chenna

ding In 1000 a sak sak hi. Bible in gingtu khat leh khat kihepih tuoh ding a gen ziek in, Pathien apat lungsietna I dawn bang a, enle midangte I hepih ding ahi. Chuleh, “Tuni a na thil dawn ziek in Pathien kieng ah kipathu gen un. Ama’n ahun piek ahi, kei ka hih leh nang haw panpih dinga matchak khat mai mai ka hi. Hawihtak in enkawl unla, zuok zieng kiu” ti’n a gen hi.

Chun, Election a din hun in, thilpha a bawlsakte khan amah dinga campaign bawlsak ding in ava ngen ui. Hinla, ama’n, “Politics leh Pathien nasepna’n kirnatna a nei puoi” ti’n a gen a, Pathien zala a thilbawl phatte, Politics lama hamphatna’n a mang ut hiel puoi. A lawhtitna leh a thupina leh hauhsaknate amah a dinga manglo in, Pathien gamletna ding in a

in, tuni tieng hin, nang leh kei le, Lalpen sepaih hattak ding in, thagau theingtho a suk hin a I um tak ziek un, Pathien I pakchau hi. Thagau thiengtho piek I hi tau a, Lalpa Pathien zal chun thil hihtheihna leh mawhpukna le I nei tau hi.

4. Chanchinpha thuhing, thagau damna thu ei hung hilh haw khale tulai tih dan in, I beh pa ahim, I puzawn te ahim le ahidiek puou a, mahleh ganggam guh gawsa lak ah hinna thuhing pawlut ding leh, guh gawsa suk hin ding chuh, lungsiet-tu Pathien lemguotna supiting dinga, Pathien sawlte chu ahiu hi. Pathien pahchak in um hen.

5. Nang leh kei le, Lalpen sepaih dinga ting leh guot I hih tak ziek un, tuni hin hawi gam ahim a guh gawsa haw suk hin ngai tamtak, um khawm lem lum, thagau thu a a gawsa suhing

ding in, thiemgau Ezekiel a na chieh ngai ahi. A chieh sa tamtak aum tak ziekin Pathien pahchak in um hen. Nangle zie nasep sem ding chun, panna na nei hi.

6. Pathien in eimang phachuom nuom hi: Ezekiel chu guh gawsa haw ahung hin theihna ding ua, thugen ding in sawl in aum a, Ezekiel lo in le, Pathien chun zie guh gawsa haw chu suhing thei mah mah ding ahi. Mahleh, mihing mang a thil lopi tak tak bawl chu Pathien in ei deihsak ziek in, thiemgau thugen chu avak mat phachuom guol in, a hukdamna thugen a, miten damna amuhtheihna ding ua chu, ei mang phachuom nuom ahi.

7. Mosi mawlh le A mang phachuom a, thil lopi tak tak bawl na’n A mang hi.

Nang leh kei bangmah lo cha hile ei mang nuom ahi.

SEVA BHARAT TE NASEP

The cheng Report a pieknau ah tha nih sungin Thagau mangthai mi 60 aman tau hi. (August leh September). October a he nailo, November 7-18, 2017 sunga Residential Training nei kit ding ahi tau hi. Pauchampih zing hitiu.



GUH GAW HAW LAKA
PATHIEN THUHING GEN IN
 (Ezekiel 37:1)
 - Pumkhomang Gangte

Thiemgau Ezekiel chu guh gawsa haw, uih le uih talo tieng a gaw, phaicham a kikawih khawm haw a hung hin kit theihna ding ua, thu va gen dinga sawl ahi a, genle ava gen a, hing le a hung hing dawk kit ua, sepaih hawnpi ahung hui hi.

I Bible chun, Israel te puksiet leh hung din dawk kitna ding uh thu tih ahih zing lai in, amau puk leh dindawk kit chu, kei leh nang thagau thu a ding in, a matna ding le aum puoi. Mahleh, zie guh gaw hung hing kit a sepaih tampi a hung suokna thu ahin zil ding tam tak aum hi.

1. Eihaw le, hukdamna chanchinpha thu, a vangvuot nasan le I hetmau, pi leh pu masate khanglai khan, sum leh siel, nei leh lam, pasal pha, galhat, galzo ana himahleu le, thagau thudawl achun thingtang gam a guh gawsa, mun chuom chuom a, abek abek a umkhawm lem-lum tawbang phet I na hui hi. Guh gawsa kiti chuh a matna ding mawng mawng umtalo, mei

a haltum mai ding tihna ahi ham hi. Pathien thu helo, pawmlo te chuh, mei a hal mai ding tih ahi. Aumdan chu zie chu tawbang phet I hui hi.

2. Thiemgau Ezekiel chule guh gawsa haw lak a thugen dinga sawl ahih bang a, ava gen phet chun, zie guh gawsa haw chu hung hing kit in, hinna nei sepaih thahat tak a hung hi tau hi. Zieguol chun, sap gam lam apat in, thiemgau Ezekiel bangzat ahim hung kuon in, Mizo gam hung hawh malam in, ei haw guh gawsa, namle namsie thei talo khawp a gawsa haw kawm ah, hukdamna thuhing chu a hun gen phet u chun, zie guh gaw chu a hun suhing tau hi. Pathien pahchak in um hen.

3. Pathien lungsietna vang

mang hi. Boxing a kichep lai in, mi tawh a siksuk ding cheng leh Gensan khawpi a Hospital khat a damlote panpihna'n Maktaduoi khat a pie zel sek hi.

2. **“Ka super star chuh Isu Krista ahi tai”.**

Zie thu hih Indian Actress Nandita Arvind Mararji @ Nagma tih a kihe, nungak khat thugen ahi. Amah hi Telegu, Tamil Malaiyalam, Kanada, Bengali, Bhojpuri, Punjabi leh Marathi pau haw a film thawh thei, chuleh Bollywood ale minthang pha, nungak hih apa Muslim, anu Hindu ahi. Khawvel lama minthanna leh mi ngaihsan alawh nung in 2008 kum in ahung piengthak a, Isu, Lal leh Hukdampa dinga kipawm in, Kristien ah ahung lut hi. Zie thu hih lamdang salo kuomah aum puoi. Bible chauh tawh kivawp nuom a sa a, Pathien thu a he mah mah hi. Ahung pienthak phet in, **“Ka super star chuh Isu Krista ahi ta a, Lalpa'n sem dinga ei deihna phawt ah Chanchinpha gen dingin, gamtin muntin a kuon dingin ka kiman zing hi”** ti'n a gen hi. Lalpa lopina chang hen.

3. **“Ka hukdampa mel hawihna ka mu tai”** tih hi khawvela lasathiem leh minthang kum 42

a upa thitha ho leh dawi mang Forgie Duhamel thugen ahi. Thitha tawh a kivawp lai in chuh thil a bawl ding cheng a hilh zel sek ua, a chiehna lam cheng ah thitha te'n fly, fly, fly ti'n a sam mai sek uh ahi. Khamtheih chitin leh khawel nawpchenna ah kibuoil in, ana kimang zo hi. Himahleh, a gitloh bawlte'n amah ahun lehrawl hun chun thitha te'n le a sel thei diek puou a. Police in a umviel viel tau a, atawp in, Biek In ah ava kisel hi. Zie tak achun a gitlohna cheng cheng kiphuong in, Pathien masang ah bawkkhup in, ngaihdam a ngen a, Hukdamna a kimuh ta ahi. A thil phalo hih cheng tawpsan in, Pathien lopina dingin a hinkhuo a mang ta a. A hukdampa mel hawihna a hun mudawk kit tai.

4. **“Lungmuonna pie theitu Isu a dingin hun pha I neih cheng mat ding ahi.”**

American Icon chuleh Hollywood film star (actor) laka lawhtampen, Stev. Mc. Queec hi a lak lai ngal chun, a hausa a, nuom a sa mah

mah hi. “The Magnificent Seven” leh “The Greatest Escape” ah ana minthang pan a, nuom chuh a nasa tawk tho dan ahi. Himahleh, a hun nunung lam, natna zalkhun a ahung khawsak phat chun, a damsunga a minthanna leh hauhsakna haw khan lungmuonna leh chawlhdamna a pie thei ta puoi.

A thih ding kuon hapta nih vel lai in, Pastor Grey Laurie in ava kimuhiph a, a neulai apat a khankhuo thusim cheng film a hun siem dingin a gen hi. A tuppen chuh, hunpha I neihlai a chawlhdamna pie theitu, Isu ding mah a hinkhuo mi tamtak in ahun mat theihna ding uh ahi. Zie haw cheng chuh gen malam in, November 7, 1980 kum in, Billy Graham in Bible a piek khah chawi kawm in a thi tai. A thupiek bang in, Pastor Grey Laurie leh Christian film maker “The Erwin Brothers” te panlakna zal in, zie film chuh muh theih in aum tai. Zie chuh “Stev. Mc. Queen American Icon” kiti chuh ahi. Smart phone nei cheng in en zieng thei leuhing

le a sim thawh nalaite dinga hun kisulang zel sek ahi.

5. “Hepu, na driver pa chun mipi zie zah chuh chu’n a tih leh a chuu a, ding un a tih leh a ding zieng ui.”

Khasite khawmpi ZPMK umlai in, Governor driver pa chun khawmpi dingin leave a ngen hi. Meghalaya Governor pa chun le ADC pa chuh a entha ding in a saw! a, amah chule a chieh ngei a, ahungtun a report a bawl kitna achun:

Hepu, na Driver pa khan mipi zie zah zozai chuh chu’n a tih leh a chu mai un, ding un a tih Ieh a ding mai ui, a tih leh Governor pa chun, mak a sa mah mah hi a kiti. Khatvei vei, khawvel hi nalai mahleh alien aneu kibang vek a, vangam I vak thawh sek uhile, thil phatak chuh ahi. Khawvel miliente’n le maksa him ding ahiu hi.

Midangte’n Pathien hi ngaihkhawk pen in neilo mahleu nang leh kei, khawvel mi I hi ta puo a, khawvel mite guol guol in I um nalai lai thei ding a ahim?

vak ngai thai tiu; Caesaborgia chun, “Bangmah ka mamawh puoi mahleh ka thih ding kuon in thamuonna him him ka neingalpuon. Ka chiehna ding chu a thimna lawm lawm e!”

Voltaire ngei inle, “Ka nungngat san, Pathien in ei nung ngat san ta a, kal khat bek dam nalai leng chu aw,, ka neih cheng cheng amah a dingin pieng ka” ana tii. Unau te haw Sir Francis Newport guol in Pathien leh gawtmun aum puoi ti puoi tiu. Aum ngei ahi a, zie mun chu lut ngei ding I hi tau. Thihna Luigal a hin mihausa te beidawng te thawm gi chu anasa ie. Thihna leh Gawtmun in chagah leh hausa akhen chuom puoi. Awle, Lal Isu chun, Thihna Luigal natun tieng chuleh a hun tha muon dingin

ahun na ngak zing a van mun lopi gen theihguol loh mun a thihna Luiguom gal a chun ahun na ngak zing ie. Kin inla Isu pawm meng in. Zieziekchun, taksanna zieka thiem chang I hih tak ziek un, I Lalpau Isu Krista vangin Pathien tawh kicham I hitau (Rom 5:1). Khutichun Krista sika palai ka hui a Pathien in kei mau haw(mang in) ngei mangin ahun ngetna hui hi tih theih ahi.

Unau te haw zie Thihna Luigal I tun ma ngei un, Lal Isu Krista hi Lal leh Hukdampa dingin I deih tel theih uh hun sung ngei hin pawm chiet dingin I ki chiel ui.

Simtute cheng cheng Lalpa’n van mun lopi tuol a leng thei chiet ding in A thu I chan chiet ding in vangsak ta hen.

THAGAU THIENGTHO NASEP

Date 18-10-2017 sungin Tripura Mission Field Workers’ Seminar mat ahi. Mission Department apat mi 4 leh Synod HQ. Missionary Board te mi 13, akigawm a mi 17 te’n Program ava mang ui.

Melmapa pan lakna hetdawk leh siemphat kitna dingin Thagau Thiengtho nasep ahung kilang a, Missionary te’n Field a Thagau mangthai lainatna nasep masawn theilo hih “KEI ZIEK AHI” ahun ti pan thei tau hi!! Pauchampih zing hitiu.

sek ui. Adiek in nu leh pate I hun neih teu hi I et chun, mun thum a khen a mun nih mang zo hi atam zaw hita ding I hui a!

Mihiem chula thi dinga hung pieng I hingal un, zie thihna khel chula lei thihna lui gal ahin I din chiet ding uh ahin. Mitam tak chu In leh lophu kum khaw go ding buoipih in I buoi chiet ua. Mahleh, thihna Luigal a I hung din tieng u leh vang ingaih dan uh hung danglam ding ahi. In leh lophu chu apawimawh him apuo. Mahleh, zie sang a pawimawh zaw chuh aum hi tih chu I hun hetdawk niu hung tung ngei ding ahi. In sak, In thang, guol leh pai pawimawh lo, hun-tawh kisa tawh le I hi mai thei ua. Ahinla, guol leh pai hokham loh I sak teu hi, Thihna Luiguom a I hung din tieng ua, thikkhe khat chauh bek hi Dawntie I hun tih niu a guol leh pai u-le-nau ei lungsiettu teu in ei chutpih zet niu le chuh I lawp loh zie hung kilang in a.

Bangmah lo a I na ngaih teu guol leh pai te, ei thamuon ding apawimawh pen pen ana hui hi. Lui hin gal a nei a gallang khat a neih guol hin thih na hin le gal

khat anei in, a gallang khat chu Chatuon mun chu ana hi. Frances Jane Van Alstyne Crosby hi March 24, 1820 kum in Brewster, New York apat 80 km gamla ah ana pieng a, tha 6 ahin in khuosik a damlo in aum a, amit chuh hah san in ahung san a, Doctor chun mitdamdawi khat a pie a, a sun u leh a mit chu ahung thim ta a. Zie Doctor chu siemkawm doctor ana hi a. Hitichun, Crosby chuh damsung adingin mitduk ahung hitai. Zie haw ziek chu ahi, miten mitduk La phuok thiem nu ti a ana hetnau chuh. Dr. Valentine Mott in *“damsung a dinga mitduk ding na hitan na vangsie mahmah mai tai.”* atih leh amah vang chuh vangsie aki sa hiel puoh a, amah chun, a nu kawm ah, *“Henu tel thei ding hileng mitduk a um hi tel nalai ding ka hi, aziek chuh ka thih phat leh ka muh masak pen ding chuh, ei Hukdampa hi ding ahin ziekin.”* Ana ti a. Amah nu ngei hinle Thihna Luigal langkhat lam chatuon mun chu tung ding ahin zie a kihet chet ziekin tia hi a gen ana hi. Khawvel a minthang tak tak te Thihna Luigal a adin lai ua, a hung khawm nau thawm



LAM CHUOM AH A CHIEH TAU'A

(Matthai 2:12)

Tv. Lalminlun Aric Gangte

Khawvel a mihiem khat a ding a pawimawh mahmah khat chuh ahin leh kithenna hinkhuo neihding chu ahi. Mihiem khat kitheng theilohiel or kithen ding dan helo hiel a hih chun chuh adiklohna aum hi tih het a ngai hi. Aziiekchuh, lunggil kithen na loh in kuomah Pa kawm tung ding i um tapuou hi, zieziekchun, mihiem hinkhuo a hin kithen na hih apawimawh mahmah hi, kithenna I tih hi thi ding a umlai dam na a kithen na chuh I gen utzawh ahi, zie chuh kumsawt a thidinga lai tansa, kumsawta hinna a kithen ding chuh ahi tih hi I vak het masak dingun kagen ut hi.

Zie Bible châng apana I vak lakding ua deih um chuh ahin leh michingte manglama hilh a um, Herod kawm zuon kit talou dinga hilh lawkna zui in lamchuom lam ah a chieh ua, thihna a pat hinna a chang tau hi, tih hi ana enkhawm hitiu. Tunin eilaka vak en zuol leng Chanchinpha kigen hih hinpah kham set ahin tak dan hih a kilang mahmah tai. Zie he sa sa a zui nuomlo leh kithen guolo chuh a thih mah lohleh bangti ding ahi? nabil kuola houtute'n ki naih chachan bang zat vei a gen tau hi? Khuo na het theih apat in Pathien

thuing hinna dinga kigen hi bangzat vei na na ngai ta? entie! michingte vang, a mang lam ua hetsak maimai in a zuih ule hinna aneih lawh u chu geldawh hitiu. Eite kihileh, kibuo (doubt) intin kichien deuha hetna kihawlnalai ding ahi. Amau in chuh bangmah dang agen in a sa puo hi, a kipan ua Herod kawm lam pèl in lamchuom lamah a chieh tau hi.

Tuni'n, nang Lalpa Isu Krista muh na dingin, lampi diklo leh thihna theih mun haw bangzat napel dawh ta? Hetsa sa va zawt hamham hih ahi ei uh suk khielhna sek chuh. Lalpa Isu

hih nangle kei sung ahin mun anei ut a, apieng ut a, a cheng ut ahi, hilele nangle keihi pien na theih mun kihilo, umna theih mun kihilo, chenna theih mun a kihih sekloh ziek hin, Lalpa'n ei naih theisek lo ahi. Jakob 4:12 a chun, "Lalpa chuh naih un, aman hun naih ina" tih ahi, Lalpa'n eidin bangkim kum 2000 masang lampek in ana semzo ta a, tu a I hih dingpen chuh Lalpa vak naih a, mundiklo lampi I hawhlai kha vak then a, lampi chuoma vak kichawn ding chu ahi mai hi. Zieziekchun tunin ki enthak hitiu, lampi lui diklo hih hesa saa bang tik chan zuih zing guo nahim, danleh hung petkawi manlo in chiehtha pai lehchun phalo ding ahi. I hawhna lampi hih vak enthak kit hitiu, lampi dik lo Herod siem lampi chuh pël nahi nam.

Lamchuom a ipet theih nadin a nuoi a haw hih vak en suk hitiu.

I. Na lampi chuh na then lohleh thihna mun zuon na hi tih kihet in.

Mihiem khata hung pien a kipan a hih, kithenna (pienthakna) a neihloh chun kumsawt dahmun zuon zing ahia, akithenman loh

chun thihna a chung a atunmasak chun zie dahmun chuh man bei a lut ngei ding ahi. Michingte'n, ahung nau lampi mah kha zuikit leu thitei ding ahiau hi tih hi akihet ua, zieziekchun, lamchuom ah zie thihna lampi chu a pel ui. Tunia zie lehkha sim cheng hin thihna leh hinna chuh khen theihna chitna neichiet din ginchak aum hi, zie chuh tunin mang inla, na um na kha/na lampi chuh a dikloa nahet ngei ngei leh kinthei lama then ding na ngaihtuoh lohle chuh danleh kisik man se lo ding na hi tih hezing in. Christmas kum bangzat vei mang inla mang zel ding hileh chinle na umdan leh na nungchang nathen loh a, ahun ahung tuna namat ngei banga na mat zingzing chun chuh bawl khiel ding nahi. Christmas ahin Lalpa hin nang lungsung ale vangsakna leh kipahna akawih ut a, hinlah nang hi vangsakna piektâk nahih sek loh ziekhin zie vangsakna leh kipahna chu na chên lawh sek hi. Tuchung Christmas beka hih kithenna naneihloh chun hun dang kithenna dang nei talo mai thei nahi tih geldawk zing in.

gitloh kisik ngawih ngawih a, gitloh thupha chawi a, zie khawvel a ding ahih hing hitalo a, Galati 2:19-20 a I muh guol a Pathien in I hihnau diktak ei hechien mah mah zieng ding eive maw?

KUO A PATHIEN ANGSUNG APAT KISEL ZO DING? Ziekchun, "A hing hih, keimah ka hi ta puoh a, Krista chuh

keimah ah a hing zawta ahi." Ti a Pathien a ding a det taka hihna kichien tak nei thei chiet ding leh guidup guola hih bawh thak a mei lak a hal a um mailo ding in simtute cheng Pathien in ei umpih chiet tau hen.

Genkhielh genval aum leh Isu Krista min in ngaihdam. Lopina Pathien changta hen. Amen.

THIHNA LUI GUOM KHEL A KHAWPI HAWIH

- Chungthang, Phailien

Chun, mihiem a dingin khatvei thih guot ahi a, zie nung chuleh vaihawm na um ding ahi, (Hebrai 9:27).

Zie thihna ahi tawh zienglo a vaihawmna etdikna um nalai ahih ziek in, Paul in 2 Kor. 13:5: Taksanna achun na um nau em, nangmau mawng kikhuol sek unla, nangmau mawng kiphawchien sek un. Krista Isu chuh nangmau ah a um hi tih hechien lo na hiu em? Deihlo na hih loh ngâl u chun, (2Co 13:5). Tin ei na hilh a, tuni hin zie thu pawimawh tak hi ngaih

tuoh khawm leu hing tin ka hun sulang a, mihiemte hin zie thihna hi I deih loh pen uh kuomah chan dingin le I kideihsak uh ka ging chapuoi. Ahinla, kuoman I pelh theih loh u chuh ana hi a. Bang tawbang in dam thei in hisel mah mah leng le Pathien in tu a I hun mat ua hi kum 70/80 ei na tiem sak ahi a. Asawtna chu sepgimna leh lungkhamna mai ahi. A bei pai a kei hawle ka leng mang zel

hih Pathien a dinga ginum zo tak tak sek lo akihi die? Sunggil lam thagau a pienthakna, suol-simna tak tak neilo, Pathien a hehpihna sanga amah a kihehpihna lien zaw te, pawlawng a mihiemte mit muh a piengthak mai mai ana kihih sek ziek hingei ding ei ve maw? Athi hingala hing minpu mai mai ana kihih theih sek hih.

Ziekchun, timai ahih, eimah leh eimah kithem lungawi mailo in, Bible a I muh guol in, I lampi teu enchien thak kit hiting un, buoina I neih tak a ahih lele Lalpa lam ah vaikit zel sek hitiu aw.

I thilhih chengcheng uh, a sie leh a pha le, a gûka thilhih cheng le Pathien in ei vaihawm sak ding ahi ngâl a. (Thugenpa 12:14).

Mitin in, sapum a thil bawlte, a sie a pha, I bawl bang uh a, I muh chiet theihna dingun; Krista vaihawmna chutphah masanga kilak chiet ding I hi ngâl u a. (2 Korinth 5:10)

Kuo a Pathien angsung apat kisel thei ding? Ziekchun, a leem mai mai a umlo in, *Thuphuon 3:15* a agen, “*Lum la lumlo vawt la vawt lo*” a umlo a, kichien tak

a Pathien a ding a ding det zing dingin pang chiet hitiu awle?

Tehkhinna, thusim khat vak en hitiu aw. Mi khat in thingtang lo a bawl a, a lo achun thai chitin a tuh a, a thai tuh haw chuh bang bang thai ahim tih ahe chien mah mah jieng a, ajiek chuh amah khut ngeia a tuh ahih ziek in, Athai tuh haw chuh a hung khang lien chiet tau a, thai lak a chun belawi le apang a, belawi chuh ahung pak a, agah ahung tam a, ahawih mah mah zieng a, gah tam tak ahun seep daw k a, a lo neipa chule a kipak mah mah zieng ta a, alak ua chun ham khat ahung kek daw k a, zie ham chule ahung hawih in, belawi lak achun ahung jam dup dup mai ta a, ahung ki belawi- cheh sak mah mah zieng ta a, ahin lah bang tieng in hawih henla no sut sut zieng lele, a lo neipa mit a tiek in bawhthak kal a ngak lah mah mah zieng a, aziiek chuh bangtieng in ki-belawicheh sak in hin hawih mah mah guol in lang lele a leem mai mai. Guidup ahih chuh a lo neipa chun ahe chien mah mah zieng a, ziekchun, kintak a bawt than, mei in a hal ta a.

Tunihin nang leh keile Pathien a hinna diktak nei a, suol-sim a,

II. Na lampi na khel theihna dingin, hinna a lut nawpdan na het angai hi.

Thil diklo leh aphalo khat haihsan theih nading chun, anawpna leh kipahna phat zawk dan chuh het a ngai hi. Tihin vak en lengun, chanchinpha gente leh Bible a kichien taka imuh guol in, gawtmun nawploh ding dan chuh hetsa leh muhlaw k sa ahi, ziechuh, mu zing leh hezing puma namun ngeia kha na then loh leh, awla zie kah leh hagielna mun chuh hung kitawl lut tei tei ding nahi tih hi hetsa him ahi. Langkhat lam enkit leng, vangam hih Lalpa'n kuomah ding chuoma asiem ei puoa, a nei chuom tih umlo ahi, kuo hi taleh alut nuom chan chu amah hetna leh deihtelna apat zie mun chuh lut thei ahi. Ziechuh, kah leh mauna umlo, gilkiel dangchak umlo, thimna umlo, bangkima kipahna leh muonna Lalpa kawm chuh ahi, ziemun chuh natun theih nading chun tunin nang umna mun chuh enthak kit in, lampi luia kha chieh zing nahim, Herod immun lam zuona chieh nahim tih hi guntak in kigel thak chiet hitiu. Michingte'n a chitnau

chu mangin manglam hilha aum guol ua chuh gingcha tak mai a lamchuom a hawh ziekun, hinna a chun alut tau hi,

III. Na lampi lui chuh a thaka na hung then tiengle hinna lampi tung na hi tih het a ngai hi.

Tuni a lampi diklo chuh a dika na hun then tiengleh gimna um talo ding ahi, kipak takin na hinkhuo mangthei tanla. Hinlah Herod immun lam zuona na chieh naklai chun, na lungthimah muonna leh kipahna um puontin, lungthim ngui hiuhieu a na hinkhuo chu haksa taka mang ding nahi, Zieziekchun, michingte guola lampi na then chun lungkhamna ding leh thasietna ding aum tapuoi tih hezing inla, na lampi hawh chu na then eitam tih kingaihtuoh zel in. Zie lampi lui chuh nahung then tiengle chuh lungmuongin, nuom in ki chawl tanla.

Thutawpna:

Khawvel I chennau gam hih vak en tiem u! Lungdawn aum tai, nitin a Lalpa douna tam deuhdeuh mai ta, Lalpa hawl tawm deuhdeuh mai ta, kilungsietna dai heihei ta, kituokloh na pung huoihuoi ta, ki huiehchuomna pung huoihuoi,

kizah tuoh lohnan vaihawm ta, zie haw laka hi khuosa ihu a, thil neuchah zieka le lampi theng man lo thihna'n ei phanawt thei ahih ziekin, tuni'n guntaka kingaihtuoh in, muonna lampi hawh ngei ka hi na'm tih hi kigel dawk thak in. Michingte'n adikpuoi tih aheu a, gentam lo in apelh san ua, hinna aneih lawh guol un, ei unle, I umdan diklo leh hawih lo neuchah haw hih

vak paihthaka zie hinna mun chuh tung ziangthei I hih ziekin zie chuh delh mengmeng hitiu.

Mâwl tak mai leh tinglo tak maia het khamkham a ka hun zik ahia, simtute cheng cheng Lalpa'n lampi diklo hawhna laite haw, lampi dika ahun puihtheihna ding leh lamdik hawh lai ten, lamdiklo hawhte lamdika a puihlut kit theihna ding un lungthim thak ei pie chiet tau hen.



NA PATHIEN TUOK DINGIN KISAZO IN

Amos 4:12

-Evan. L. Minthang

Zie Bible chang tuppen chu, gawt dinga kisazo ding, tih lam pang ahi puo a, kisik a, vaikit dinga sapna ahi zawi.

I. Pathien in a hipte chu:-

Johan 6:44 = "Pa, ei sawlpa'n a hip loh chun, kuomah ka kawm ah hung thei puon au" ti'n Isu'n A sinsakte kawm ah ana gen ahi.

Etsakna'n: (A). **Siehdawlpa:** "Lalpa, ei lungsiet ah, kei migilo hi," ti'n a ngen.

(B) **Mitduk nihte:** "Isu, David chapa, kei uh ei lungsiet in, ei lungsiet in" ti'n a sam luoi luoi uh ahi.

(C) **Juda (Jacob chapa):** "Hepu! Bangtia kigen awng ding ka hi tau em? Ka gitlohnau chu Lalpa'n a he ta ngal a, tangval (Joseph) sik khan kei ei khum in

Juda leng Hezekai kawm ah Pathien in zawlnei Isai a sawl a, "Lalpa chun hiti hin a tii, 'Na insung hih tup in, thi ding na hi ta a, dam dawk talo ding na hi,' a tii ti'n ava hilh a" a ti a (Isai 38:1).

Awle, Pa deih um, Hezekia guol hin, thi ziang thei I hizing a, zan

khat mitsin tuok thei I hii. Na zi leh na chate a ding a na deihsakpen, tua na dampet ahih gen hun hitalo ahim? Thihna'n na chung a vai ahawm ma ngei hin, na gen ding ding chuh gen mai in, a kikhelh ma hin. Na Insung na hihtup a pawimawh hi, na thihma ngei in.

Lalpa'n a thu vangsak taken.

PATHIEN ANGSUNG APAT IN NA KISEL ZO NA DEM?

- Kakai, Bijang, Gangte Veng

Amasa'n, hunpha leh phatpha eipetu Pa Pathien lopina chang masapen hen. Chun, simtu te cheng cheng Pathien min in chibai.

Awle, tuni hin Pathien angsung apat in na kisel zo na dem? Tih apat hin vak holim leuhing ka nuom a. Mihiem chuh I mihiem chanpih masang ah lungthim sie tak gel kawm leng le, pawlawng in mai tai tak a suoh theih hi. Ahin, Pathien in vang I lungthim pumpi le a hesuok kei hi. I Bible achun, "Thi zing ngala hing min na put" tih Thuphuon 3:1 ahin muh in aum a. Pathien in hihna kichien tak I neih ding uh a deih hi tih vang akichien himaw?

Ahinlah, tulai Kristien kahi kiti, ei u haw lak ahin, tawbang a hih hinkhuo mang, thizing ngala hin min pu, a tam mah mah ding ginchak aum tak zet himaw. Adiek in ei thingtang mi te lak ah, chapang kum 10 apat achunglam cheng, numei hin, pasal hileh kidawng leh, camp a ka na um in, ka piengthak tai tilo a um ding ginchak aum puoi, um malak in avel vela piengthak sa ngawn kihi zaw tading eive maw le? Ahinlah, bang zieka tia

(Thilsiembul 19:15). Lot chuh Sodom kho sietna tello dingin nawh in aum hi. **Tichun, Lot chuh a pawtdaw a, a chanute pasal, a mâkplate kawm achun ava chieh a, “Kipan unla, zie khawpi apat hin pawtdaw un; Lalpa’n zie khawpi hih sumangthai ding ahi,” a ti a. Himahleh, a mâkplate chun chiemnuh thugen bang phetin a ngai u a (Thilsiembul 19:14).**

Aw le Lot hin a Insung ahin Pathien thu/Hukdamna thu hi ana gen taluo lo hi ding ahi. A chanu leh a makpa te kieng ahin, Sodom khuo hi Pathien in mei leh kat a A hal ding thu a vagen leh “*a ngawl na him! zie bang thu na hung gen mai chuh*” tin ana nuhsan mai ui.

Aw le pa deih um, nang leh kei inle Lot a bang hin I chate Pathien thu/hukdamna thu I hilh tieng, hepa a ngawl na him, zie bang thu na hung gen mai, ti a ei nuhsan khak ding uh lauh a um hi. Tuhi a gen hunlai ahi, akikhel ma hin gen kin hi tiu. I zi leh chate kawm ah.

Himahlele, amah chuh a muong ten a, khutichun, Lalpa’n amah a hehpih ziekin mite

chun a khut leh a zi khut leh a chanu nih te khut chuh a tuu a, tichun, a puidaw u a, khawpi pawlam achun a kawih tau a (Thilsiembul 19:16).

Awle, pa deih um, Lot bang hin muong puoi tiu. Lalpa Ni (rapture) ahim, I hinnau hi ahim bang tika bei ding ahim? tih I he ngal puou a, muong tak a um hun ei tapuoi. Kisazo sa a, Lalpa tuok ziangthei a I um apawimawh hi. Lalpa tuok dingin na Insung uh na kisazo tau em?

Awle, Lot in a chanute, a makplate Sodom khuopi a thudingin a nusieh tai. Chun, lampi ah a zi deihtak mai le sodom khuopi lam ngan aki nunghei ziekin, chi khawn a suok hi. (Thilsiembul 19:26)

Awle, pa deih um, nang leh kei inle I cha ngaih tak leh I zi ngaih tak hukdamna thu I hilh loh ziekin, gawtmun lam a ding a I kikhempih mai ding vang chuh ngaih ngam a umpuoi maw? Hepa! Pathien thu ei hilh ah, henu, hinna thu ei hilh ah, bang dinga gawtmun lam a eisal na him? tih la hih aki sak tieng na ngai ngam em?

– A kisik thu leh Lalpa hip ahin thu a sulang ahi.

(D) **Zakai:** “Lalpa ngai in, ka neih kimkhat chu neilahte kawm ah pie’ng ka ting, chun, kuo hitaleh, ka na lepguk chun, azahli’n din ingka,” ti’n a kisik thu leh Lalpa’n a hip thu a sulang ahi kha.

II. Pathien in akhawk thieng sek (Lk. 19:8-9)

Joel 1:7-8 = “Ka theipi kungteu akhawk ua, akhawk ngimkei ua, a paihmang tau a, abakte chule a malngim suokkei tau a.” Mi luhlulte, gen ngailote hi Pathien in akhawngim tieng na asa taluo sek u ie.

Etsakna’n: Kuote ahin u?

(a) **Joseph suohpihte:** Pathien in a khawh thienni khan na a sau a, gen ding a he ta puou kha, ngaihtuoh in.

(b) **Nebukadnezar:** Pathien in, chapo tak mai a a kisuonna thu, a let thu a gen lai ngei in, bawng thuok a pie a, tuktan mawh hiel in, a In apat bawkvak a pawt in, hampa a pet ta ahi. A chung ah kum 7 a kie a, na a sa ngei ie!!

(c) **David kha le:** Pathien in thil 3 tel ah a tih ni khan na asa kha

uo maw!! A mipite ni khat thu’n, singsagih lam thih lawh nalai. **Unau, Pathien malngim khel khel hi ngak ki’n, sit a nei sek puoi.**

(d) **Mi hausapa:** “Zie meikuong ahin ka na mah mah hi. Ka lei sukdaihna dingin, **Tui vat khat** a ngen luoi luoi mai, mahleh piek ahi ta puoi, piek ahin lai a, a ngaihsak loh ziekin.

Dawnna – “Na damlai khan thilpha na chang a, khutibang mah in, Lazar in thilphalo a chan kha he ta! Nang chu a gim na hi kha” **Unau nget hun ahin lai in, ngen in, zuon meng in.**

(e) **Lalpa’n a hipte:**

CH. Spurgeon zi: Kum 30 hiel natna zalkhun a kuol in, a tha a sie a, Lalpa kawm ah a ngen a, Lalpa dawnna chu-Oak thing guola phuk a, tuknel dimdem a, mei a tihna hih tieng, na gimlimna, na hawihna, na ngaihumna, hung kilang tan a” ti’n, **Gimtheihna haw hi aphan a e, maw?**

(f) **Lasathiem Lalsangzuali:** A hun nununglam a, Delhi Hospital a mitna a a umlai in, Lalpa kawm ah hiti hin ana gen – **“Ka chhing mit fiahlo mahse, ka thlarau mit a fiah, ka**

chhandamtu” ti’n a testimony hawihtak leh ‘hip’ ahihthu a sulang. Lalpa ngaihnapw, gen ding na nei tam?

III. Kisutup meng in:

Thuphuon 22:7 = “Ngaitie hung vak zieng ding ka hi, zie lehkhabu hilhlawkna pawm taphawt chu a hampau hi” ti a zik ahih bangin, tuni’n Lalpa’n hailo in, a hun sam a, ahun chiel ahi.

(a) Nangmah ngei kisutup in (Lalpa muok) thei dingin.

(b) Na Insung sutup dingin ahun sam.

(c) Krista tatna **thisan lulzie**, hechien dingin ahun ngen.

(d) Gawtmun- lauhum zie- mu chien dingin....

(e) Hun lemchang I neih sung uh ahi ta maithei, Lalpa sapna dawng meng hitiu.

“Hukdamna lopi hi thahthawt leng bangti’n a I suohchak theih maizen ding uh?” (Heb. 2:3).

“Na Pathien tuok dingin kisazo ta’n”

Simtute Lalpa’n hun vangsak ta hen.



INSUNGA PA DEIH UM TE HAW!

Evan. (Rtd) Lamzagin

Tulai dinmun hi I vak et chun, pa tam tak hi Insung enkawl ahim? Siemtup ahim? I um tapuou. Chun, cha leh naute bang guol dinmun ahim? Bang guol lampi a chieh ahim? Tih ngaihtuoh le kiumtalo. En I dawn I nek vah phawt leh lungawi mai I tam tau hi. I chateu hi, Pathien thu hita leh, taksa lam thu hita heh

siemphat na dinga panla him him pa ki umtalo.

Lehkha thiemna ding chun sum hauh ahim, hauhsak ahim angai hi. Hukdamna hi vang, a thawna ei ki pie ahi (Ephesi 2:8-9). Sum a chawk angai puoi.

Amau chun, “Lalpa Isu gingcha’n la, tichun, hukdam

in um inla, nang leh na inkawte tawh,” a tiu a. (Nasepte 16:31)

Chun, Philippi suongkul vengpa ipmu a hung khanglo a. Sawlchak Paul leh Silas kawm ah chun, “*Pute haw hukdam a um dingin bang a ka bawl/hih ding?*” tin a hung kiko dawk a. Amau chun, “*Lalpa Isu gingchan la tichun hukdam in um inla, nang leh na Inkuonpihte tawh.*” atiu hi. Chun, In khat pa chuh, hukdamna I chan/I neih chun I Inkuon pih te cheng hukdamna huonga I puih lut ding ahi. Hukdamna I neihsak ding ahi.

Noah a Inkuon pihte cheng hukdamna ding a lawng a tukna a kimu. Vak sim hi tiu aw....

Chun, Lalpa’n Noah kawm achun, “Nang leh na inkuonpihte chengcheng chuh lawng achun lut un; nang chuh tulai khanga mite lak ahin ka mitmuh in mi diktat na hi tih ka hun hêi” (Thilsiembul 7:1).

Noah hi Pathien mitmut in midiktat ahi. Amah hin a zi leh a chate leh a chate zite hukdamna kuong sung ah a puilut vek hi. Aw le, pa deih um, na zi leh na chate hih hukdamna thu (chanchinpha)

hi na hilh tam? Hilh nailo na him? Hilh malak a nang le hukdamna huong sunga lutnailo na hih chun, akikhel naipuo, kingaihtuoh phan. Nang Isu Krista hukdamna a naki neihtak chun, na Insung mi te hukdamna huong sung ah puilut thei inla. “Nang leh na Inkuonpihte hukdam in um un lau.” Paul in a tih bang khan. Nang In khat pa pen in hukdamna na chan/na neih masak angai hi. Noah inle Pathien aw a gingcha a, a zuih ziekin a Inkuon pihte hukdamna kuong ah a puilut ahi kha.

Aw le.. Pa deih um, na zi na chate Isu Krista hukdamna a puilut hi na maawhpukna’n na ngai em? Lalpa kawm na tunphat leh na zi na chate hung ta kileh, bang na gen ta dem? Tuhi kingaihtuoh hun ahi. a kikhel vang vang eitai. Hun in ngak neilo ahi tih he zing hi tiu.

Malai Lot Inkuon vak sui hitiu, bang guol pa ahim? **Chun, thingzangvak in Vânsâwlchâkte chun, “Kipan in la na zi leh zie a na chanu nih umte hi tawh puidawk ah: khutilochun, zie khuo gawtna ahin beimang khawm kha’n lau” ti’n Lot chuh kin takin a nawh u a**